

Сарпинск ус оруулгъна

системин проект

СТАЛИНГРД, декабрин 26. (ТАСС). Сарпинск хагсу дора тег кесг зун минъгън гектар газрт сунад, Хальмг автономн танъгъчин зөвәр ик анъгинь болн Астраханск, Сталинградск областьсин зәрм газринь эзлнә. Эн газрт усн уга болсн учрар, малин хотин көрнъг бүрдәхд харшлад, мал икәр өсгхд саалтг болна.

Усна эдл-ахун болн милиоративн тосхлтсиг проектировать кедг Южн институтин Сталинградск филиалин конструктормудин коллектив Сарпинск ус оруулгъна системин проект кедж дуусв. Сталинградас хол бишд, Иджл голин

амн деер усчдг насосн станц тосхгдх болдж темдггдв. Арвн насос Хальмгин, Астраханск болн Сталинградск областьсин хагсу теегүр суткдан 1.300 минъгън кубометр ус Иджләс гүүлгдж орулхмн.

Насосн станицин өөрәс авн теегүр ус хувагч хойр канал, негнь утдан 109, наадкнь—117 километрт кегдхмн, теднәс услгъна үүрмг каналмуд татгдхмн.

Сарпинск систем 685 минъгън гектар газриг усар теткәд, тәрә услгъиг өргәр делгрүлх аргъ өгхмн. Энүнә тосхлт гурвн джилин эргцд кегддж дуусгдх болдж темдггдджәнә.